



Broj: 10/20
Sarajevo, 16.01.2020. godine

Ministarstvo zdravstva Kantona Sarajevo
Pregovarački tim Vlade Kantona Sarajevo
n/r Prof.dr.sci.med. Amela Sofić, Ministrica

PREDMET: Izjašnjenje u vezi potpisivanja novog Granskog kolektivnog ugovora, traži se
- Veza naš akt broj: 704/19 od 11.12.2019. godine -

Poštovana,

Dana 12.12.2019. godine dostavili smo Vam odgovor na ponudu Pregovaračkog tima Vlade Kantona Sarajevo o povećanju koeficijenata za određene grupe zanimanja i ujedno Vas obavijestili da Sindikat radnika u zdravstvu u Kantonu Sarajevo ostaje kod prijedloga novog **Granskog** Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Granski kolektivni ugovor) koji je Pregovaračkom timu Vlade Kantona Sarajevo uručen na prvom sastanku pregovaračkih timova Sindikata radnika u zdravstvu u Kantonu Sarajevo i Vlade Kantona Sarajevo održanom 01.02.2019. godine uz korekciju prijedloga visine neto satnice i koeficijenata složenosti poslova, a to je neto satnica 2,60 KM i koeficijenti grupa složenosti poslova koji su Vam dati na sastanku pregovaračkih timova održanom 08.05.2019. godine, a to su koeficijenti koji su sačinjeni prema koeficijentu 5,40 i omjeru doktor specijalista - medicinska sestra 1:2 i doktor specijalista - radnica na održavanju higijene 1:4. Do danas nismo dobili nikakvo očitovanje Pregovaračkog tima Vlade Kantona Sarajevo o iznesenom prijedlogu ovog Sindikata.

S tim u vezi, a imajući u vidu činjenicu da Granski kolektivni ugovor još uvijek nije potpisan, iako će se za 15 dana navršiti godina dana od kada su počeli pregovori, da generalni štrajk traje već peti mjesec, kao i da je u Službenim novinama Kantona Sarajevo broj 52/19 objavljen Kolektivni ugovor o pravima i obavezama poslodavaca i radnika u **djelatnosti** medicine i stomatologije na teritoriji Kantona Sarajevo, obraćamo Vam se ovim putem sa zahtjevom da u roku od 8 dana dostavite pisano izjašnjenje u vezi prijedloga Granskog kolektivnog ugovora ovog Sindikata kako je gore navedeno i potpisivanja istog.

Istine radi, 2017. godine Vlada Kantona Sarajevo, čiji je premijer bio g. Elmedin Konaković, je **samo** Sindikatu doktora medicine i stomatologije Kantona Sarajevo digla koeficijent za 0,60, a ostalih 6.300 radnika zaposlenih u zdravstvu u Kantonu Sarajevo je ostalo na diskriminatorском čekanju. Iste godine, Sindikat radnika u zdravstvu u Kantonu Sarajevo je izborio neto satnicu 2,60KM i interesantno taj benefit koriste do danas svi uposlenici u zdravstvu u Kantonu Sarajevo, pa i doktori.

2019. godine Vlada Kantona Sarajevo, čiji je premijer g. Edin Forto, koristi iste metode omalovažavanja, diskriminiranja i obmanjivanja. Na prvom sastanku pregovaračkih timova ovog Siindikata i Vlade Kantona Sarajevo rekli su nam da nema novca, potom da neće biti novca zbog izmjena Zakona o doprinosima i Zakona o porezu na dohodak, zatim da možemo razgovarati samo o koeficijentima medicinskih radnika, o doktorima i nemedicinarima ne, iza toga nova umotvorina je da su predstavnicima kantonalne vlade potrebni historijski pokazatelji koliko to treba novca za naše zahtjeve pa da im se javimo 20. marta 2020. godine.

I desi se 20. decembar 2019. godine, pojavi se **strukovni** kolektivni ugovor potpisan između premijera Forte i predsjednika doktorskog sindikata Hočke, objavljen 31.12.2019. godine u Službenim novinama Kantona Sarajevo broj 52/19, gdje sada ima novca, te će ga biti i u 2020. godini, gdje ne trebaju



historijski pokazatelji i gdje su zgaženi svi ostali radnici zaposleni u zdravstvu u Kantonu Sarajevo koji se ne odazivaju na doktore, a njih je 6.300.

Ovakvo ponašanje Vlade Kantona Sarajevo, sa g. Edinom Fortom na čelu, smo s gnušanjem odbili ne želeći učestvovati u diskriminaciji naših članova, a što su perfidno pokušali podmetnuti nam.

Za očekivati je bilo da smo svi u Kantonu Sarajevo pred demokratskom, reformističkom, transparentnom Vladom Kantona Sarajevo **jednaki**. Dakle, kako su se doktorskom sindikatu ispunjavale želje, očekivano je bilo da se sa nama bar u zakonskim okvirima obavi normalan socijalni dijalog, ravnopravnih socijalnih partnera. Nažalost, toga sa vladine strane nije bilo i stoga ste, vezano za naš status, loša vlada, a i loša vlast.

Imajući u vidu naprijed navedeno, ovim putem pozivamo Vladu Kantona Sarajevo da otkloni posljedice opetovane diskriminacije i u roku od 8 dana dostavi pisano izjašnjenje u vezi prijedloga Granskog kolektivnog ugovora ovog Sindikata i potpisivanja istog. U suprotnom, ponovo ćemo svoje pravo, zbog kontinuiranog diskriminatornog ponašanja vlada i premijera Kantona Sarajevo iz 2017. i 2019. godine nastaviti tražiti sudskim putem, sada uz krivičnu i materijalnu odgovornost iz razloga više, što su načinili neotklonjivu negativnu posljedicu po 6.300 uposlenika u zdravstvu Kantona Sarajevo.

PREDSJEDNIK

Prim. dr Edo Selimić

Dostavljeno:

1. Naslovu
2. Skupština Kantona Sarajevo
 - n/r predsjedavajućeg i zamjenika predsjedavajućeg Skupštine x4
 - n/r predsjednika Klubova stranaka:
 - a) Klub zastupnika Stranka Demokratske akcije – SDA
 - b) Klub zastupnika Savez za bolju budućnost - SBB
 - c) Klub zastupnika Naše stranke
 - d) Klub zastupnika Demokratske fronte
 - e) Klub zastupnika Narod i pravda
 - f) NBL – Samostalni zastupnici
 - g) Klub zastupnika Socijaldemokratska partija BiH – SDP BiH
 - Bosanska stranka - Mirnes Ajanović (BOSS)
3. Oglasna ploča svih osnovnih sindikalnih organizacija
4. Svim printanim i elektronskim medijima
5. www.sindikatzdravstvak.ba
6. a/a